

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 7/10), Vlada Zeničko-dobojskog kantona na prijedlog Ministarstva za rad, socijalnu politiku i izbjeglice, na 120. sjednici, održanoj 07.08.2013. godine, d o n o s i

ODLUKU
o organizaciji i načinu praćenja provedbe
Strategije zapošljavanja Zeničko-dobojskog kantona, 2013-2020

Član 1.
(Predmet)

Ovom Odlukom se određuje organizacija i način praćenja provedbe Strategije zapošljavanja Zeničko-dobojskog kantona, 2013.-2020. godina (u daljnjem tekstu: Strategija) i to kroz sljedeće aktivnosti:

- a) Područja praćenja
- b) Provedba realizacije Strategije po područjima
- c) c) Izvještaj o realizaciji Strategije
- d) d) Ažuriranje generalnog plana implementacije.

Član 2.
(Nadzorno tijelo)

Osniva se Nadzorno tijelo za provedbu Strategije sa ciljem:

- jačanja kapaciteta i sudjelovanja zainteresovanih strana u procesu planiranja i provedbe Strategije te koordinacije mjera vezanih za zapošljavanje na području Zeničko-dobojskog kantona;
- osiguravanja ulaznih informacija za pripremu Izvještaja za Vladu Zeničko-dobojskog kantona;
- doprinosa stvaranju, razvoju, programiranju i praćenju Strategije te angažiranju svih dostupnih resursa u korist provedbe iste;
- doprinosa pripremi projekata/aktivnosti prihvatljivih za financiranje iz EU fondova i drugih sredstava.

Član 3
(Zadaci Nadzornog tijela)

Nadzorno tijelo se sastoji od predstavnika Kantona (ministarstava, i ostalih organa u sastavu Kantona), Službe za zapošljavanje Zeničko-dobojskog kantona, Privredne komore, Univerziteta u Zenici, REZ, Kantonalnog udruženja poslodavaca koji se obavezuju na aktivno učešće:

- u izradi izvještaja provedbe Strategije;
- u organizaciji projektnih partnerstava i poticanju razvijanja kvalitetnih projekata;
- u funkcioniranju samog Nadzornog tijela;
- u davanju preporuka pri definiranju upisne politike i školskih programa obrazovnih institucija na području Kantona.

Član 4.
(Članovi Nadzornog tijela)

U Nadzorno tijelo iz člana 3. ove odluke imenuju se:

1. Jasenka Jukić, predsjednik, ispred Ministarstva za rad, socijalnu politiku i izbjeglice
2. Mario Vrbić, član ispred Ministarstva za rad, socijalnu politiku i izbjeglice
3. Amir Abazović, član ispred Ministarstva za privredu
4. Senada Dizdar, član ispred Ministarstva za poljoprivredu, vodoprivredu i šumarstvo
5. Esad Delibašić, član ispred Ministarstva za obrazovanje, nauku, kulturu i sport
6. Dženana Čolaković, član ispred Biznis servis centra
7. Indira Kruejezi, član ispred Kantonalne uprave za inspekcijske poslove
8. Harun Kahvedžić, član ispred Službe za zapošljavanje Zeničko-dobojskog kantona
9. Hamzaliya Mandžukić, član ispred Privredne komore Zeničko-dobojskog kantona
10. Jasmin Halebić, član ispred Univerziteta u Zenici
11. Marela Zdenac, član ispred REZ-a
12. Boris Crljenica – član ispred Kantonalnog udruženja poslodavaca
13. Salih Tandir, član ispred Univerziteta u Zenici.

Član 5.
(Način rada)

Nadzorno tijelo donijet će Poslovnik o radu Nadzornog tijela u roku od 30 dana od dana donošenja ove odluke.

Član 6.
(Izveštavanje)

Nadzorno tijelo će godišnje izvještavati Vladu Zeničko-dobojskog kantona o stepenu realizacije aktivnosti predviđenih Strategijom zapošljavanja.

Član 7.
(Stupanje na snagu)

Ova odluka stupa na snagu danom donošenja i bit će objavljena u “Službenim novinama Zeničko-dobojskog kantona”, a primjenjuje se za vrijeme važenja dokumenta Strategije zapošljavanja Kantona.

Broj: 02-_____/13.
Datum, 07.08.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Članovi Nadzornog tijela, putem ministarstva,
- 1x Ministarstvo za rad, socijalnu politiku i izbjeglice,
- 1x “Službene novine Zeničko-dobojskog kantona”,
- 1x a/a.